



南郭先生文集

初編  
自一至三

全戴十四冊詩

二

特別
~20
3564
2






八二〇  
3564  
2



南郭先生文集初編卷之二



平安

服元喬子遷著

江都

望三英君彥輯

南部

滕元啟維迪校

七言古詩

調馬行

夾道花樹繁作霞永埒迥場照繁華借問金溝調馬者疑是大原王氏家良驥森列無凡匹駟駘駘連錢拳毛駟素虬蒼龍雙雙出引來鐵蹄碎玉沙絢絢翩翩

南郭集初編

卷之二

七言古詩

嵩山房辛

58-2170



美少年執鞭齊倚金鞍，  
驍猛氣未發，蹀躞逸足控縱。  
一馳歛無前，振血飛沫，毛鬣怒動地。  
紅塵氣如煙，羣馬龍驤角骨力，  
一躍相傾分。後先銜檠，閑習馬性，  
成雄志。由來向誰鳴，圍人同，  
迎歸槽櫪。神定足收，雙瞳清安，  
得八極奔騰力。一獻王御，縱橫。

徂來先生宅觀青玉笏行

青熒玉笏匱中藏，萬貨連城價無當。  
捧匣跪發金繩封，滿堂真見蒼精龍。  
龍變倏忽氣如虹，駕我欲翔溟海中。  
卒然坐隅毛骨寒，魂定眼窮始嗟歎。  
曾識此器

玉為貴，况復此玉世出難。崑崙山上十二樓，涼風懸圃帝之丘。  
上有不死樹，相挺下有不死水。四派此山往往出，良璧其他瑤琨如土石。  
五雲摩空萬一千九州，塵埃何懸隔。乃知人間不易到，人間豈圖遇真實。  
隋侯夜光猶奪明，何况琳琅與瑪瑙。琢磨一施，珽形成天圓地方益，  
研精常悲荆人空抱璞。象大儀雅可獻呈君，不見天子明堂朝。  
萬國穆穆盛容倚，北極衮冕旒。珥黼黻文此器，亦是觀表德。  
憶昔此器映青雲，今日何人傳致君。君自君子不求得，秦詭虞貪哂紛。



南齊集卷之二  
紛溫潤示人顧有意吾儕比之冀可志

明月篇倣初唐體

長安八月秋如水，夜色纖塵空萬里。  
河漢已收星欲稀，江天初照月相似。  
琪樹銀臺玉露垂，交衢大道金風起。  
千丈光攀帝闕間，三條影滿人家裏。  
帝闕人家不伴眠，夜行夕燕月明前。  
相看來飲張公子，誰識遊遊美少年。  
娼家百膳餐為玉，戚里千金酒作泉。  
齊什陳篇歌相見，佳人少婦照相憐。  
未擬夜長還秉燭，何須晝短却開筵。  
鴉黃蟬鬢景氤氳，月下流林把向君。

好取侯家白玉案，請看主第冰綃裙。  
扁舟幾處堪乘興，一石此時誰厭醺。  
別有君王望月臺，步輦乘茵永夜回。  
瓊檻翩翩桂子墜，瑤池濯濯菱花開。  
合歡殿裏爭相侍，連理幃中不獨來。  
合歡連理徹通宵，神女行雲不待朝。  
月色中天相掩映，容光滿殿共妖嬌。  
須臾一曲命鸞舞，俄爾三更吹鳳簫。  
細腰掌上涼風發，鬢髮筓邊輕霧飄。  
鬢髮細腰悲昔游，涼風輕霧不勝愁。  
秦川機上璇璣色，長信宮中玉樹秋。  
秋去秋來空裂素，相望相憶幾登樓。  
團團皎皎孤輪在，脉脉盈盈一



南唐書不終 卷之二  
水流千里相望天一色一天望月長相憶長江何處  
采芙蓉近里誰家悲促織但見長江白楊黃但聞近  
里擣衣裳閨中花鳥年年變沙上王孫歲歲長關山  
一路徒勞夢尺素九回空斷腸離閣初疑明鏡景卧  
牀猶摘畫簾霜霜潔鏡明簾色寒素手紅顏獨夜看  
可憐素手環中緩應惜紅顏鏡裏闌一夕悲憂短髮  
白百年歡洽遠人難遠人對此淚沾襟中宵熒熒起  
微吟希逸豪端霜露隕仲宣樓上歲年深樓上搖情  
已翳翳萬戶千門落月低此時月落情難歇落月今

宵望轉迷唯有遠山長河色斜影沈沈落月西

秋夜吟

庭際樹上烏夜啼牀前侵地月色低秋思不眠為誰  
長永夜凜凜露為霜休爭愁人鬢邊白今宵早已一  
半強

金華歌贈子知

金華子金華子愛子冰肌綠髮無塵埃金華山頭旭  
日且滄海並照金銀臺維昔乘鯨極所致十洲下瞰  
自東來試向人間吐珠璣犬者燦爛小霏霏都邑比



南齊集卷之二  
屋千萬戶爭逐如丸得者稀世人未必能相識願君  
休彈鳥雀微吾今為君會群仙左招征儔右偃佺麻  
姑仙女顏如玉奄忽傳信拂紫煙金華之山何惜崕  
龍躡逶迤起眼前為君相看一長嘯仙人下來滄海  
天

牛門送大潮師西歸

潮公盪曾睨乾坤文章日月啓天閭氣貫金仙函六  
百落筆縱橫五千言波浪鯨奔東海搖群物望風魂  
欲銷叱雷掣龍遊雲水翹翹扈從百神朝君不見美

蓉白雪指掌者同盟金石護園社隱然敵國得公知  
併力千秋復大雅前十後喁此謫高不妨郢中和者  
寡狂態雄視叫仰天酒酣耳熱樂只且樂地何須說  
世人世人辟易稱避塵聲價連城但目擊上者明珠  
下琳琅百歲自期相追隨一朝退棄公何為公云歸  
省白雲舍吾儕交情難別離四坐相送黯自失遠山  
之曲長河湄江城六月凜如水恨恨不忍白日移  
歎此道公好傳再會但期道故年聞說少室多氣色  
莫使我勞招隱篇



高陽行

高陽有客稱不羈，十年縱飲鬢如絲。入鄉整首服短，  
 後邑中年少不相知。腰間吳鉤曾示人，秋水颯爽蛟  
 竦鱗。卽無風胡相此物，鮫函潛光却逡巡。輓轡隨步  
 聲為玉，一割鳴鑿那得真。冷遊門前誇華驄，金屈日  
 銜池水東剪茅。四僻蟪蛄結伏病，轉謝長者轍人貌  
 亦應誤。榮名那識，單身氣鬪鐵三寸。欲摧七十城側  
 注：敝冠雄心驚，不遇踞林赤帝子。落魄退守賢儒生

○○聞笛

二月梅花洛城東，欲落不落待輕風。君不聞風前笛  
 裏情，翩翩吹滿洛陽城。吹者不知聽者恨，三弄都作  
 斷腸聲。

漢宮詞

漢武英風驅一世，升平殷富極杜麗。當時丞相設離  
 宮，詔賜經營北闕第。第中行殿十二重，萬金為給大  
 司農。四時恒例移仙仗，滿朝百官從六龍。甲乙帳前  
 奉娛歡，經筵且開進賢冠。儀具禮畢始賜宴，笙歌響  
 起青雲端。八珍携從太官膳，內府更進白玉盤。瑤階



遷迤百花春，春醴薰薰醉君臣。醉來不辭獼猴戲，列  
侯御史中貴人。天顏有喜咫尺地，羅綺錦繡傾恩賜。  
內外臣僚及侯家，拜舞盡擎金玉器。嚮呼萬歲樂未  
央，忽復耳傳全盛事。君不見汾上歌歡樂極，今哀情  
多只。今秋風茂陵道，草木黃落舊山河。

福壽精舍竹林歌

福壽堂前古竹林，英公幽居白日深。諸天碧落上欲  
拂，轟轟奮奮籍已萬尋。門接長陂大江邊，顧此數繫往  
來船。龜鼉出沒紺影動，水寒竹密似渭川。渭川颯爽

風雨從低昂，爭飲蒼精龍須史。雲物咫尺定形竿，綠  
筒金利重金刹儼然。法王冠圓光掩映，碧琅玕滴滴  
露，裊天花墜含風惹香。自旃檀鮮潤不讓蓮華淨，更  
與松栢守歲寒。只謂鳴磬下馴鴿，翠實離離兼棲鸞。  
英公坐觀常住色，童子無勞報平安。千年脫落支迦  
馬，公亦愛竹稱風雅。進禪不是為避人，苦心偏挾張  
鷹舍。到此各誇賦靈丘，篇篇欲兼南山秋。况是跌宕  
嵇阮興，可喜山陽託同遊。同遊豈謂少勝生，鳴籟猶  
聞瑤笛聲。雲際鬢髯乘鶴地，升仙自此朝玉京。忽然



一堂憶之子，令人向隅復傷情。寺有勝生墓

劍客行贈人

劍客大刀鳴，腰間櫛具鏗鏘。明月環伊昔，試入血纒死。一揮白虹射天還，忽爾相逢臨。苗途偉然美髯，一丈夫云是嘗作孟嘗客。玉食何問魚，有無意氣蕭然。日月暮長，缺歸來，獨身孤放歌。醉舞君莫笑，好來日傾壚上，壺勸杯且說各愛惜。世上未論借此軀。

東海有大魚行

有魚有魚來自西東遊，渤海極天倪。突如碣石浸波

浪乘濤吹滂，白日翳背上。鬚鬣大千里，虎眼龍鱗壓鯤鯢。海中神嶽蓬壺瀛，六鼇舉首一時驚。水物潛匿無魂氣，自謂天地足縱橫。安知無處容此魚，且恐巨甲困小瀦。百川猶比一勺水，飲此蹭蹬內如虛。千載無復任公釣，不如杳溟還余初。

酒人行贈越君瑞

越公風流金屈卮，香醪千石無盡時。邸第近隔宮中水，溝渠應擬習家池。借問堂上誰青眼，二三狂態高陽兒。醉來詞賦筆如流，一言天地應千秋。高談矜誇



相罵笑不怪，裸形且科頭。八達七賢君，自見百年世。  
上一悠悠，卽教酣宴關。斯道我輩但，須老糟丘。

日本橋上歌

雄都大道通萬里，天下山海自此始。日本之東日本  
橋南去北來，陽春水君不見今日海。不揚波，難遇千  
載清黃河。會朝玉帛謹，侯度干旄子。子此經過前驅，  
唱排後車。叱轂擊肩摩，錯鳴珂。有摩多是鄉，曲豪腰  
間武備帶兩刀。燕市酒人眼，虎視趙臺。劍客鬚，蝟毛  
列肆，美女侈。姬姜繁華，子弟遊冶。郎相看，姣麗接踵。

至春風路上，鬱金香。此皆娛樂，不知愁。千金妬殺萬  
戶侯，東走江湖西。魏闕家家百尺連，高樓卽今富貴  
應如拾。最愧拙者，更敝裘囊錢。日費長安米，自怪為  
誰仍淹留。

烏子歎

城上烏生八九子，東西未習且棲止。棲止古樹霹靂  
高，一朝剝落亂羽毛。老烏徘徊率數子，且向人家屋  
上逃。城傍年少鳴角弓，欲射誰知烏雌雄。奮飛將避  
兒無力，饑啼爭向食。又空北來，老人回白頭。倚杖一



看泣涕流為我謂烏爾記取何由得歸南山陬

釣客行

江巖聊容坐係舟葛藟間手援赤岸輪困之怪木目  
極青天突岬之高山傍有釣客蒼顏古問之無言白  
日閑舟中携壺味頗厚釣翁勸爾一杯酒此翁不辭  
就我歡醉來欲語呻吟久心中萬事為君開今日何  
須更閉口嶧陽翁鬱佳樹地藍田為出瑚璉器少壯  
謾期才足成中間陸沈諸侯吏諸侯弓劍重武人三  
冬文史坐相棄時非頗進逐客策事變蹉跎違宿志

芙蓉秋滿江上華移居且擬徐孺家無奈負郭無寸  
畝去在青門不種瓜家人數厭釜中魚蚯蚓生突絕  
菜茹債家子錢督責頗計窮三間鬻茅宇已見今年  
隨轉蓬未知明年住何處由來磊落大丈夫妻孥憂  
愁一何愚對此陶然唯濁酒日日釣竿遊太湖太湖  
澆灑鯉魚肥來者可追往者非三千六百十年釣釣  
釣天真知者稀狂語醉言君不信請看湖上白雲飛

清明宴越氏西莊

醵酒新解碧琅玕清明今日無陰寒主人園林富花



鳥賓客狼藉飽杯盤直裁雲霞作帷帳落花芳草盡  
為餐且喜花草轉相親從佗漫照白髮人醉倒睥睨  
天地際古往今來唯有春有春有花能幾時萬點明  
朝過眼塵

集高秀才匏瓜亭

匏瓜小莊墨水曲庭樹一半紅作綠唯看大江日夜  
流岸草堤柳惜春色主人門臨江水東金龍影落天  
僊宮諸君同到山陽飲吾亦龍鍾過阿戎阿戎弱冠  
頗好奇詩酒彩毫且玉卮滿坐文章錦如吐縱橫絕

妙且好辭蒼顏野老稱養拙提壺挈榼無所知醉來  
藉坐階前草鶴髮只任晚風吹

送滕維迪游西京從朝京使行

東道使節將朝天紫馬驄馬行色連南昌才子東武  
客假稱書記向日邊日邊宮闕平安城朝儀北極拱  
公卿羨君縱觀周文物更聽鈞天金石聲五陵年少  
誇帝鄉華綵彩毫結客場若君之才堪自試一戰餘  
勇誰能當丈夫不厭混世紛自今到處見出群三千  
門下推毛遂早已驚殺平原君



南郭先生文集初編卷之二終

南郭先生文集初編卷之三

平安 服元喬子遷著

江都 望三英君彥輯

南部 滕元啟維迪校

五言律

夜讌

夜讌高臺上笙歌霄漢開鳳鳴天際落僊舞月中來  
畫棟寒銀燭瓊漿瓏玉杯起看湛露白祇恐曉光催

上石氏望海樓



此樓殊崑然江海浸簷前地浴東嶠出天浮南極懸  
鯨身波浪際蜃氣夕陽邊坐覺三山近主人何處僊

送人客游輿州

遠游應盡地萬里向東濱魚海隣毛狄僊臺接羽人  
淳風荒服古治化大邦新今有四夷守不憂送獨身

塞下曲

君王方大畧將帥事佳兵五道山河動十軍甲冑鳴  
單于堪北走驃騎本橫行部下猶思戰更登烽火城

郊行二首

稍似野人趣放歌步出門多岐朝大路長水割平原  
天末浮雲靜春陰古木繁機心何世態擾擾不堪論  
山平地勢拆野色大江西杖似葛陂去酒從郟縣携  
偶因微宦拙未識雍門啼行樂便吾土王孫勿復羨  
遊蓮光寺同賦得論字

歸路應昏黑上方已到門客過驚木葉雨灑重苔痕  
吾道神交似爾曹目擊存偶尋支遁興更聽謝公論  
從軍行

新從登壇將出師萬馬秋旌旗非耀武刀筆寧封侯



星隕天搖塞烽連夜掛樓安邊王室志本為我民憂

自遣二首

匪敢其刀筆為無一頃田彫蟲供玩世失馬任知天  
白日看雲意素絲到鬢年九州如此大欲擬反騷篇  
那知男子壯生事竟如絲磬折非孤志勢交異璞悲  
邊由圍大澤郊樹走長陂自棄祗應醉荷鋤是我師

春日偶作十首

大道似長安公孫倚玉鞍眼過皆得意性僻豈交歡  
楊柳城南色風雲郭北寒朝陽催濯髮早起聊彈冠

地僻幽期足春天得雨清懶因多病托感與二毛生  
未遂巖阿性偶憐吏隱名看過花鳥逼上我倦遊情  
登樓江海滿落日散春陰多病中原色一官萬里心  
關山當鳥道花木動人襟應有一枝息微會懷遠林  
吏情閑且盡客舍類幽棲停屣窺鶯語隔籬送馬蹄  
讀書修竹裏卧病白雲西即使同流俗吾生亦自睽  
郊居堪寄傲且愛野村隣宦跡知何態詩篇會有真  
階苔經雨古社樹著花春醉後發狂起微風吹角巾  
雲夢昔年遊雄風萬事休鬱林晴且古白水靜還流



竹色來湘怨，天邊惹楚愁。陽春誰作對，幽獨重登樓。  
登臨縱目，屢樓色坐氤氳。日射芙蓉雪，春搖海國雲。  
閑應吾養拙，名自爾能文。才子當今滿，飛揚更作群。  
苦憶二三子，中原氣壯哉。窮交唯我輩，勢利豈人才。  
筑擊憐燕市，劍揮睨趙臺。尋常論意氣，無奈寸心灰。  
寄言同病客，能忘索居情。斗酒常相苦，百花勿復明。  
烏黃間野色，蘋白動汀晴。看弄徒移日，著書愧舊盟。  
夙昔凌雲氣，賦成實可悲。濁醪幽事過，華髮壯懷衰。  
請謁還吾嬾，行藏好自知。風光長此約，勿誤拂衣期。

舊園

吹臺娛樂地，春到舊山川。黃鳥窺人語，白鷗避客眠。  
百遊餘水石，十載見桑田。欲向臨邛去，梁園更自憐。  
夏日同諸君子遊蓮光寺和卓上人作

無勞河朔飲，路熟遠公溪。池撐芙蓉淨，天懸堯率棲。  
不期沙界裏，相遇化城西。似鬪登廬興，崢嶸雨後霓。  
和東壁白山雜詠六首東壁時上居

堂成堪擁膝，薜荔倚秋陰。巖穴乾坤大，風塵睥睨深。  
嬾應稱卧病，興或愛行吟。不必論文絕，調高叔夜琴。



宣可勞圖，辟衆山來入琴心。閑停暮景，坐穩散秋霽。  
長嘯傳林木，清徽感朔禽。步兵途不遠，時到蘇門深。  
即使隱朝市，何如靜愛山。名難混爾迹，文每落人間。  
撫枕驚林動，據梧看鳥還。自傳秋興賦，更識二毛斑。  
君自科頭士，那知吏事勤。放歌憐白雪，酣飲睨青雲。  
烏几琴書足，草堂獨鶴群。北山萊可翦，堪顧世紛紛。  
剪棘逢秋半，樓高白帝城。朋應關物色，文豈鬪名聲。  
目斷中原小，天懸萬戶平。當乘初月夜，一訪且縱橫。  
幽棲君所性，秋色且蓬蒿。痼疾耽泉石，機心哂桔槔。

羨嘗五鼎肉，足矣一車螯。吾徒今孔邇，往來屢酌醪。

秋日書懷七首

尚似文園令，敢論武庫才。一樽求酒起，四壁典衣回。  
嬾性堪閑地，薄遊謝吹臺。醉來秋興切，作賦讓鄒枚。  
高秋宜伏枕，爽氣靜齋偏。薄俗從佗惡，腐儒私自憐。  
風回疎草色，天逼近林煙。酷酒三杯足，不煩種秫田。  
江湖殊不遠，何意難扁舟。生事因吾拙，宦遊使客愁。  
蹉跎知幾歲，搖落復三秋。空著南冠敝，無人問楚囚。  
萬里季鷹駕，胡為易若斯。秋風猶滯宦，暮景已愆期。



山出青天盡雲飛白日移鄉愁三十載屈指此逶迤  
自曉東方隱不疑我陸沉籬餘黃菊瘦堂類白雲深  
酒態稀青眼詩名薄素心文書堪玩世可復用當今  
搖落燕臺地空餘玉樹林曳裾混得意鼓瑟託悲吟  
自失風雲會遂睽狗馬心壯遊儻不倦遠足記浮沉  
病愁已八月何處廣陵濤海動長風至山鳴落木高  
文章關物色天地竟吾曹興卽非枚賦感應似楚騷

和子和雨中見寄

風雨離群久三秋我輩情密雲含海色急潦激泉聲

詞客愈違世酒徒寧避名何當持蟹興醉爾玉壺清

寄浦子彬

憶昔飲燕市十年壯士心交情空日月宦跡奈商參  
家隔寒江水人疎古木林喜君同此調聊寄草蟲吟  
同友人望江風惡不得渡還至金龍山作

大江望欲斷匹練接翻流忻黑龍窟沙黃鸚鵡洲  
狂憐題賦客閑愛忘機鷗日色從佗惡乘風醉上樓

江上雜詩十首

村居隣大嶽登陟此盤旋江吐蛟龍氣山開日月前



罷官新白帽，當酒舊青氈。世態天真少，孤貧更自憐。  
秋色大江來，游觀倚石苔。芰荷爾可愛，衣帶我堪裁。  
萬竹諸王苑，一峰古佛臺。坐令幽興熟，不必事徘徊。  
嬾性易蹉跎，行藏竟奈何。瘦因耽句劇，渴自草書多。  
生事風雲散，眼中燕雀過。還遭秋色惱，留滯曲江阿。  
山勢回成澗，放歌且考槃。青天懸壑色，白屋動江寒。  
腰下雙龍劍，生涯一鷓鴣。冠稍知飛遯，趣試作歸田看。  
英俊遷移域，邑居對郭門。車塵連道路，侯第充陵園。  
天色青雲滿，江光玉樹繁。有人長擁褐，無意揖王孫。

返照逐江平，汀洲新弄晴。白蘋留暮色，蒼樹颯秋聲。  
拂室長懸榻，臨流獨濯纓。貪看忘病嬾，坐至月明生。  
江湖便有趣，替紱竟無心。客至秋風起，酒酣日色深。  
淵魚馴隱見，野鴨戲浮沉。笑傲耽書籍，物情觀古今。  
所求容膝地，移住曲江廬。皋鶴鳴相和，泥龜意自如。  
野花迎稚子，欄石護芙蓉。風物仍宜醉，生涯遣更疎。  
遊倦中原色，病深杜曲潯。詩書終古事，短褐遂初心。  
木葉綠江下，夕陽掠壑沉。天涯遲暮淚，動乃濕人襟。  
僑居聊卜幽，擁膝古江頭。勝地如圖畫，名山愜卧遊。



酒樓行處有草閣醉來休雖美非吾土心關隴畝秋  
雨中東壁德夫見過

風雨蓬蒿卧誰憐江上寒偶因二仲至遂罄百年歡  
爾汝同狂態乾坤總醉看窮交如此足不是為彈冠

九月六日倚蘭臺集

登高期已近九月宴城隅詩自唐諸體人皆漢大夫  
和歌慙郢曲濫吹愧齊竽猶著秋風帽傲然混酒徒

哭滕東壁十首

消渴同司馬窮愁殞少陵未能期四十終是奈飛騰

珠藥還丹鼎柄犀照暗燈唯留封禪草相顧屬親朋  
山阿已送君長夜就孤墳芳草悲先萎香蘭悟自焚  
拊心行哭野濺淚坐看雲逝矣滕東壁歿生從此分  
四月春芳盡但聞鶡鴒鳴喪亡新屈指禽鳥故關情  
斯道乏來者終天存往盟曾攀雙桂樹誰與賦叢生  
仙骨即難留浮生忽倦遊人間還大筆天上賦高樓  
化鶴空千載乘鯨遍十洲帝鄉迷物色故使白雲愁  
生平稱大業國器託文章遺草令人泣名山待爾藏  
壯心中道折悲恨百年長猶自傳金石欲爭日月光



焦心將玉汝天意竟蹉跎恨至悲窮甚淚將結契多  
生涯玄草在事業白駒過縱有桓譚識抱書奈爾何  
百年難已分異物即哀來傾篋檢遺札停毫驚妙才  
人非花落盡天曠鳥飛回憶昔阮書記翩翩醉玉杯  
黃公壚上飲君折為誰眠廢酒從瓶罄顧堂使榻懸  
夜愁風雨氣天黑斗牛前還憶干將沒無由人世傳  
人跡疑蒿徑雨痕泣竹林感生隣地笛調絕廣陵琴  
舊苑東西寂遊魂影響深商山時一到似聽採芝吟

商山  
生故居

五噫纔唱後偃蹇謝人間軀倏要離冢碑餘元凱山  
悲風隣鬼哭荒隴牧童攀匠石蕭條甚廢介從此還

暮秋集子和

下簾稱太隱四壁客來深何處憐秋晚此中對日沉  
相逢忘挾隘搖落即園林謾使西家怪休論醉後心

郊行

獨來時極目搖落動行吟斷草辭郊色空山增壑陰  
世人慙醉態野老少機心不覺秋芳盡歲年早已深

歲暮贈子和二首



人擬高陽侶，蕭條側注冠。鶉衣風欲裂，龍劍色偏寒。  
慷慨論心法，誓盟指日看。如雙混禮俗，微我向誰歡。  
憐君擣散甚，交道棄如絲。調劇令人怒，文章只自悲。  
風霜多懶態，日月少醒時。歲晚為何事，應裁憶我詩。

歲杪與諸子集神門

神門公子異，天際客星同。敬愛開園後，笑談動座中。  
梅將春色泄，松為歲寒雄。筆硯叨狼藉，不關詞賦工。  
暮春送樵源上人北歸

朔方寒始盡，行色愛殘春。衣鉢輕雲水，津梁事苦辛。

捨身元奉佛，出世不忘親。期逐秋來雁，早辭北海濱。

野望

獨往離城市，郊坰忽復幽。天開山走塞，河盡澤吞流。  
塲稼幽風日，村歌堯野秋。只今雲夢獵，不事大王遊。

送圓諦師歸省東奧時太翁有微恙

仙臺蒼海上，親舍白雲傍。抵指趨庭日，可忘陟岵章。  
喜年何足計，稱壽本無量。既奉醫王道，不求大藥方。  
不寢

憂多妨著睡，不寢憂相仍。耳熱頻欹枕，目明熟視燈。



一宵空反側百歲奈飛騰心事極寒曉淚痕積作冰

雲夢懷仙閣集同用深字戲作

丹竈君家事懷仙聊且尋卷簾青鳥下把酒紫霞深  
舞愧愁中鬢狂從醉後心變成無座上恨之瑤池音

和答素有上人赴西京見寄

西方遊樂國說法坐崢嶸地化瞿曇道天圍帝釋城  
市朝迎錫影絃管贊經聲還憶病居士幾時築室成

同遊聞成寺得苔字

城東本願寺別院探春來香樹啼黃鳥雨花馥綠苔

天真耽酒態妙偈作詩才恐是驚聾者已登說法臺

夏日同遊神足寺得聞字

牆外旃檀樹市隣忽絕羣鳴禽林下變嬾草石前分  
蒲塞元耽酒苾芻或好文清涼貪日永休使晚鐘聞

壽草庵望君六十初度

僊家瓊葉色壽帝異盤餐筵盡杯中物臺清海上寒  
杏林繁玉樹藥鼎熟金丹不老憑君手千秋同聲歡

五言排律

東觀山



表山隨禹奠相宅廣周功坤德成風物良方司始終  
鬼門關郭北歡嶽現江東獅吼文殊坐鑾鳴帝子宮  
宸題高閣異講法內建同陵道神遊肅廟號祖烈雄  
劍藏三尺氣土重一杯中萬籟生丹壁五雲近碧空  
鈎陳驅魍魎禁禦備羆熊殿象甘泉險池兼太液通  
松蒼朝避雨梁纒晚揚虹安世頌歌大祈年日月融  
瑞祥昌後嗣祭祀會群公壯麗臨天下未央未必工  
佛滅日上三緣山三門

黃金開上苑白馬創東京待闕三門鎖登警百仗成

太虛通帝坐眇麗壓乾城王氣深陵勢宮陰徹梵聲  
練明迎海霽綺錯繞都平煙煖邑花早日遲林鳥輕  
仲春傳佛滅萬古會群生目力恒沙盡俯觀品類情  
應人請賦得竹不改色為岡田公壽

苞翠南山色壽堂映綠樽琅玕來鳳侶蟠結護龍孫  
不受風霜重偏留雨露翻凝光迎日御箕幹上天閣  
松讓蒼顏爵庭交玉樹繁江東王氏貴長對子猷園  
徂徠先生奉 教授書書頒行特 賜時服

賦此奉贈



星象耀東壁，天文拱北辰。出圖河上瑞，重譯海方珍。  
漢主求賢急，梁賓授簡新。典章推博物，玉帛寵遺臣。  
學照蘭臺日，恩開金馬春。校書投覽御，上策恊咨詢。  
名達元無近，德聞必有隣。即今經國業，敷施太平人。  
同賦竹約歲寒為館林侯壽應人請

侯郎牆東竹抽箱，近日邊共稱魯頌壽。并誦衛風篇，  
有斐思君子，無疆卜歲年。氣嚴竿始勁，霜降節偏全。  
奉璧青當坐，傾罇綠照筵。管通鳴鳳谷，酒挹飲龍川。  
或命睢陽賦，應延林下賢。更傳如帶誓，看爾萬期堅。

六言律

西臺侯別筵分賦十二體得六言律韻文字

侯帥戍西京

離筵歌舞陪，酒征路江山。入文分衛帝王，故邑按衆。  
龍武新軍千人西戍，車騎五馬東方使君行處還將。  
赤帝到時更映青雲。



南郭先生文集初編卷之三終



